

**ACTA DA ASEMBLEA XERAL ORDINARIA DE SOCIOS
DO FONDO GALEGO DE COOPERACIÓN E SOLIDARIEDADE
CELEBRADA EN SANTIAGO DE COMPOSTELA
O 26 DE XUÑO DE 2009**

Asisten:

Nome

Alfredo Novoa Gil
Angeles Silva
Susana Pérez Álvarez
M^a José Rodríguez Gómez
M^a Pilar Gallego Cid
Catalina M^a García Blanco
Natalia Álvarez Diéguez
Rosa Fernández González
Ana Campos Comín
Xulio Ríos

Entidade

Concello de Oleiros
Concello de Baiona
Concello de Mos
Concello de Melide
Concello de Allariz
Concello de Narón
Concello do Barco
Concello de Poio
Concello de Poio
Secretario Fondo Galego

Tamén participan:

Esther Castro Cidre
Ánxelo González

Igadi-Secretaría Fondo Galego
Igadi-Secretaría Fondo Galego

Escusan asistencia: Concellos de Fene, Lugo, Vigo e a Deputación da Coruña.

Non asisten: todos os demais asociados.

Orde do día:

1. Proposta de resolución da convocatoria de proxectos 2009.

Iniciase a reunión ás 12.05 horas. O Secretario explica o proceso que segue a elaboración da proposta de resolución ata que chega á Asemblea Xeral. A seguir toma a palabra o Presidente, que explica os proxectos incluídos na proposta un por un. Infórmase tamén das diversas fontes de financiamento coas que se espera poder atender todos os proxectos incluídos na proposta.



Explicase que na actualidade se está a traballar na formulación dun proxecto en Gaza, a ser executado cos fondos recadados para unha acción de emerxencia no territorio, despois dos ataques israelís de finais de 2008 e inicios de 2009. Estase pendente de recibir o texto do proxecto da UNRWA, que será o parceiro no terreo. O feito de aínda non contar con proxecto ultimado explica que non apareza na proposta de resolución.



Non habendo ningunha obxección, a proposta queda aprobada por unanimidade.

2. Proposta de resolución sobre o sistema de cotas do Fondo Galego.

Exponse o interese de compendiar nun único documento os diversos preceptos que configuran o sistema de cálculo de cotas actual, a fin de que este quede o máis clarificado posible.

Non habendo ningunha obxección, a proposta queda aprobada por unanimidade.

Anéxase o texto aprobado, asinado polo Presidente e o Secretario e co selo da asociación.

3. Rogos e preguntas.

O Presidente lembra que no día posterior ao da presente Asemblea Xeral terán lugar as V Xornadas Anuais de Cooperación, organizadas polo Fondo Galego, explicando en que van consistir e cal é a súa utilidade.

Entrégase o Infórmate a Fondo 108 aos e ás asistentes.

E sen máis asuntos que tratar, levántase a reunión cando son as 12,40 horas.



Asdo. Presidente do Fondo Galego



Asdo. Secretario do Fondo Galego

ANEXO Á ACTA DA ASEMBLEA XERAL ORDINARIA DE 26 DE XUÑO DE 2009

SISTEMA DE COTAS DO FONDO GALEGO: PROPOSTA DE RESOLUCIÓN
(aprobada pola Asemblea Xeral ordinaria de 26 de xuño de 2009)

A Asemblea Xeral do Fondo Galego de Cooperación e Solidariedade, reunida en sesión ordinaria o día 26 de xuño de 2009,

Habida conta

Que o sistema utilizado para calcular as cotas mínimas anuais achegadas ao Fondo Galego polos diversos socios acadou un certo nivel de complexidade.

A sabendas dos diversos preceptos que configuran o sistema de cálculo recollido en diversos acordos adoptados ao longo da historia do Fondo Galego.

Que sendo por veces necesario xustificar documentalmente o sistema de cálculo das cotas mínimas ante os servizos de intervención e tesourería das entidades asociadas.

Feito o compendio dos diversos preceptos nun único documento nun exercicio recomendable de clarificación e aos efectos de facilitación de determinadas xestións económico-administrativas e máis doada comprensión dos asociados presentes e futuros.

ACORDA

Ratificar o presente documento, cuxo texto incorpora os diversos preceptos en vigor a ter en conta á hora de calcular as cotas mínimas anuais a achegar polos socios do Fondo Galego.

Cálculo das cotas mínimas para as Deputacións Provinciais

Para as Deputacións Provinciais establécese unha cota mínima fixa de 10.800€ para Lugo e Ourense, e de 14.400€ para A Coruña e Pontevedra.



O cálculo das cotas mínimas para os Concellos

Paso 1. A cantidade base.

A cada Concello socio asígnaselle unha cantidade base en función do número de habitantes de conformidade co seguinte baremo: (1).

HABITANTES	CANTIDADE BASE
Menos de 3.000	180 €
3.001 a 5.000	245 €
5.001 a 10.000	400 €
10.001 a 15.000	515 €
15.001 a 20.000	635 €
20.001 a 50.000	755 €
50.001 a 100.000	875 €
100.001 a 300.000	995 €
Máis de 300.001	1.115 €

Paso 2. A cantidade variable.

Multiplícase a poboación (1) do Concello por 0,03 €, resultando unha cantidade que pode variar de ano a ano, en función das alteracións demográficas da entidade.

Paso 3. O aumento.

A cifra resultante da suma da cantidade base e da cantidade variable auméntase nun 10%, se o Concello ten 10.000 habitantes ou menos (1), e nun 20% se o Concello ten máis de 10.000 habitantes (1).

(1). O número de habitantes dun Concello vén determinado polas últimas cifras oficiais de poboación dispoñibles (padrón municipal), publicadas polo Instituto Nacional de Estadística (www.ine.es).

En Santiago de Compostela, a 26 de xuño de 2009

